



16. juli 2007

Inatsisartut Suleriaasianni § 36 imm. 1 tunngavigalugu apeqquteqaatit makkua Naalakkersuisunut apeqquteqaatigerusuppakka:

Oqaatsinik Pikkorissarfimmut tunngatillugu Naalakkersuisunut apeqquteqaatit
(Inatsisartunut ilasortaq Lene Knüppel, Demokraatit)

Tunngavigisaq:

Inatsisartunut ilaasortatut kiisalu Inatsisartut Ilinniartitaanermi Ataatsmiititaannut ilaasortatut Oqaatsinik Pikkorissarfiup sulineranut tunngatillugu annertunerusumik pasisaqarnissara kissaati-gaara, taamaattumillu Naalakkersuisut qinnuvigisavakka apeqquteqaatit ataani allaqqasut akissu-teqaateqarfigeqqullugit:

1. Naalakkersuisut Oqaatsinik Pikkorissarfiup Nuummi immikkoortortaqarfissaanik pilersit-sinissamik pilersaaruteqarpat?
 - a. Pilersaaruteqartoqarpat qaqugumiit aallartittoqassava?
 - b. Pilersaaruteqartoqarpat, oqaatsitigut pikkorissarnerit qanoq ittut kiisalu oqaatsit suut Nuummi neqeroorutigineqartassapat?
 - c. Pilersaaruteqartoqarpat Oqaatsinik Pikkorissarfiup Nuummi immikkoortortaqarfia sumi inissinneqassava?
 - d. Pilersaaruteqartoqarpat Oqaatsinik Pikkorissarfiup Nuummi immikkortortaqarfiani sulisussat qassiunissaat naatsorsuutigineqarpat?
 - e. Pilersaaruteqartoqarpat Oqaatsinik Pikkorissarfiup Nuummi immikkoortortaqarfiani toqaannartumik toqaannangitsumillu aningaasartuutissat qanoq annertutiginnissaat naatsorsuutigineqarpat, aningaasartuutissallu tamakkua suna aqquutigalugu aningaasa-lersorneqarnissaat eqqarsaatigineqarpat?
2. Inatsisartut Inatsisaat nr. 14, 6. november 1997-imeersoq Oqaatsinik Pikkorissarfimmut tunngassuteqartoq § 2 imm. 2 tunngavigalugu Oqaatsinik Pikkorissarfiup Siulersuisuisa minnerpaamik ukiumut ataasiarlutik Oqaatsinik Pikkorissarfiup suliaanut tunngatillugu Inat-sisartunut nalunaarusiamik tunniussaqaartartussaapput. Inatsisartunut ilaasortatut ukiumoor-tumik nalunaarummik pineqartumik tigusaqarsimaninnik eqqaamasqaqanngilanga. Taamaat-tumik 2005-imut kiisalu 2006-imut tunngatillugu ukiumoortumik nalunaarutininik piaartumik nassitsivigineqarnissara matummuna pimasqaatigaara.
3. Naalakkersuisut kiisalu Oqaatsinik Pikkorissarfiup akornanni Oqaatsinik Pikkorissarfimmi qanoq angunsaqarnissamat tunngatillugu isumaqatigiissummik pilersitsisoqarnikuuvaa, soor-lu assersuutigalugu nutserisutut kiisalu oqalutsitut ilinniartitaanermut tunngatillugu? Oqaat-



sinik Pikkorissarfimmik Isumaqatigiisummik pilersitsisoqarsimappat isumqatigiissutip assileqarneranik kiisalu qanoq angusaqarnissamik isumaqatigiissitip/isumaqatigiissutit qanoq malinneqartigisimanerat pillugu nalunaarutit assilinerinik akissuteqaammut ilanngullugu nassinneqarnissara kissaatigaara..

4. Naalackersuisut imm. FM2007/66 suliarineqarneranut atatillugu (Naalackersuisut kalaallit oqaasiisa allamiut oqaasiitut ilinniartitsissutigineqarnissaat siunertaralugu pikkorissaanermi atugassamik interaktiv sproqprogram.imik taaneqartartumik ineriartortitsinissaannik suliakkerneqarnissaannik Inatsisartut aalajangernissaannut siunnersuut) oqaatigaat Oqaatsinik Pikkorissarfiup ilinniartitsinermi pilersaarutissaa 1. august nallertinnagu tamakkiisumik ineriartortinneqarsimassasoq natsorsuutigineqartoq. E-learning tunngavigalugu Oqaatsinik Pikkorissaaviup kalaallisut oqaatsinik pikkorissaasalernissaa siunissami pikkorissartussamut qaqugu qanorlu ilillugu neqeroortigisalernissaa naatsorsuutigineqarpa?
5. Tamatumunnga tunngatillugu paasissutissanik allanik Naalackersuisut saqqummiussassaqaqpat?

Apeqquteqaatit tiguneriniit ullut qulit qaangiutsinnagit akineqarnissaat kissaatigineqarpoq.